

TEZAUUR LITURGIC
4 SEPTEMBRIE

ACATISTUL
SF. IERARH
IOASAF,
EPISCOPUL
BELGORODULUI



MOSCOVA, 2000



Акафист

святителю Иоасафу, епископу Белоградскому, чудотворцу

Кондак 1

Избранных воинов мужества наследниче и Христова стада пастырю предобрый, светильниче веры, на свещнице Белограда возсиявый, нищих питателю и о людех ко Христу Богу молитвенниче, похвальная воспоем ти раби Господа твоего от сердец наших, к любви твоей вопиюще:

Радуйся, святителю Христов Иоасафе, чудотворче предивный.

Икос 1

Ангел Божий послан бысть от Богородицы прообразовательное действие совершити и отрока тя суца мантиею святительскою покрыти, Иоасафе. Сие родитель твой зрети в видении сподобився, слышаше и глас Царицы Небесныя глаголющ ти: Довлеет Ми молитва

твоя́. Таковому́ сладостному́ гла́су внѣмлюще, и мы́, грѣшнии, любóвию вопиѣм ти́:

Ра́дуйся, от ма́тере твоея́ в де́нь Рожде́ства Пречи́стыя рождѣнный;

ра́дуйся, покровом Богоро́дицы от рождѣния твоего́ покровѣнный.

Ра́дуйся, сосу́де, от дѣтства твоего́ Бо́гом избра́нный;

ра́дуйся, под се́нию оби́тели Трои́цы Святы́я Го́сподеви воспита́нный.

Ра́дуйся, роди́телей благочестивых возлю́бленный сы́не;

ра́дуйся, па́че прі́сных твои́х возлюбивый пусты́ню.

Ра́дуйся, во Ки́еве гра́де ра́зумом научѣние кни́жное стяжавый;

ра́дуйся, чи́стое се́рдце твоѣ Го́сподеви отда́вый.

Ра́дуйся, до́м роди́телей твои́х Го́спода ра́ди оста́вивый;

ра́дуйся, та́йно в Межигóрскую оби́тель стопы́ твоя́ напра́вивый.

Ра́дуйся, ю́ный моли́твенниче пеще́ры
те́сных;

ра́дуйся, презре́вый земна́я, возлюбивы́й
небе́сная.

Ра́дуйся, святи́телю Христо́в Иоаса́фе,
чудотво́рче предивны́й.

Конда́к 2

Ви́дя о́браз ми́ра сего́ прехо́дящ и сла́ву
челове́ческую́ я́коже дым исчеза́юще, от ю́ности
мона́шеское жити́е возлюбил еси́ и, отроча́ съи́й,
моли́тве и служ́бе Бо́жией зело́ прилежа́л еси́,
Иоаса́фе, а́нгельскую пе́снь при́сно воспева́я
Го́сподеви: Аллилу́иа.

И́кос 2

Ра́зум тво́й, науче́нием кни́жным в
Богоявле́нском бра́тстве просвеща́емый,
богомы́слию преда́л еси́, Иоаса́фе, сокрови́ща
прему́дрости не себе́ собира́я, па́че же си́ми в
Бо́га богате́я, моли́твою же и пощ́ением во
служе́ние Христу́ себе́ уготовля́я. Те́м же и во
ю́ности тво́ей сицевы́х ублаже́ний досто́ин
яви́лся еси́:

Ра́дуйся, о́бразе чистоты́ и целому́дрия;

ра́дуйся, рачи́телю благи́й смиренному́дрия.

Ра́дуйся, отри́нувший, я́коже со́р, ми́ра сего́
душетле́нныя сла́дости;

ра́дуйся, омы́вший ду́шу твою́ слеза́ми
чи́стыми мла́дости.

Ра́дуйся, де́вство твоё не́растле́нно Го́сподеви
сохрани́вший;

ра́дуйся, прельще́ния во́зраста ю́наго
победи́вший.

Ра́дуйся, весно́, луча́ми благода́ти осия́нная;
ра́дуйся, утро́, добродете́льми облагоуха́нное.

Ра́дуйся, я́ко Христу́ путе́м у́зким послéдовал
еси́;

ра́дуйся, я́ко го́рняго Оте́чества дости́гнути
возжелéл еси́.

Ра́дуйся, на ра́ло Госпо́дне рúце твои́
возложи́вший;

ра́дуйся, лица́ твоего́ николи́же вспя́ть
обрати́вший.

Ра́дуйся, святи́телю Хри́стов Иоаса́фе,
чудотво́рче предивный.

Конда́к 3

Си́лы ду́ха твоего́ во еди́но намере́ние
совокупивый, во е́же Христу́ жити́е твоё

безраздѣльне предати, ангельский образ во юности ранней восприял еси, Иоасафе, и со старцы вкупе воспел еси Триединому Богу: Аллилуиа.

Икос 3

Имя оружие непобедимое, крест на сердце твоём, верою начертанный, противу страстей и грехов смертных, возрастающих на ны, крепко ополчился еси, и, Господу победы на твоя враги даровавшу, сложил еси песнь честным добродетелем, ейже внимающе, и мы благодарными усты сице ти воспеваем:

Радуйся, смирения образе, имже гордыня низлагается;

радуйся, благосердия правило, имже всяческая злоба побеждается.

Радуйся, целомудрия носителю и нечистых помыслов отражение;

радуйся, любви крепкия рачителю и ненависти истребление.

Радуйся, поста оружием от плена страстей свободивыйся;

радуйся, кротости силою от гнева неправеднаго оградивыйся.

Ра́дуйся, стра́же благоче́стия, от сна́ грехо́внаго ду́шу твою́ охраня́яй;

ра́дуйся, добродете́лей содру́жеством от сме́ртных тли́ ту́ю избавля́яй.

Ра́дуйся, уго́днице Бо́жий, си́ми добродете́льми в па́мяти христиа́н преукраше́нный;

ра́дуйся, свети́льнице ве́ры, от Со́лнца Пра́вды во Ца́рствии Небе́снем возжже́нный.

Ра́дуйся, исто́чнике, в жи́знь ве́чную текы́й;
ра́дуйся, на диа́вола кре́пце возмогы́й.

Ра́дуйся, святи́телю Христов Иоаса́фе, чудотво́рче предивны́й.

Конда́к 4

Бу́рю искуше́ний и нападе́ний вра́жиих бо́дрственным жити́ем твои́м утиша́я, от архиере́я Бо́жия на степе́нь свяще́нства возведе́н бы́л еси́, и со вся́ким смиренномудрием на ра́мена твоя́ брéмя служе́ния церко́внаго во честне́м Ки́еве подъя́л еси́, ко святы́ням гра́да сего́ при́сно припада́я, иде́же и доднёсь ино́цы и правосла́внии лю́дие вопи́ют Бо́гу: Аллилу́иа.

И́кос 4

Слы́шаху бли́жнии и да́льнии о труде́х твои́х
неуста́нных, Иоаса́фе, ка́ко пе́рвее во гра́де
Лу́бнах оби́тель, тобо́ю благоукраша́емая,
благословля́ше тебе́, игу́мена свое́го, по си́х же
Ла́вра Серге́ева тобо́ю обнови́ся, ели́ко
стро́ением домо́вным, та́ко и жити́я ино́ческаго
исправле́нием. Того́ ра́ди глас наро́дный
восхваля́ше тя́ си́ми:

Ра́дуйся, хра́мов святы́х иску́сный
устрои́телю;

ра́дуйся, честны́х оби́телей усер́дный
укра́сителю.

Ра́дуйся, ревни́телю благоле́пия церко́внаго;
ра́дуйся, па́че си́х рачи́телю де́лания
духо́внаго.

Ра́дуйся, в се́рдце твоём о́браз Христа́
носи́вый;

ра́дуйся, Спаси́теля твое́го до ко́нца
возлю́бивый.

Ра́дуйся, пропове́днице, е́гоже послу́шаше в
сла́дость Росси́йская ца́рица;

ра́дуйся, и́стины глаша́таю, не взира́й на
ли́ца.

Ра́дуйся, богомы́слию дея́ние приложи́вый;
ра́дуйся, терпе́нию жити́ем твои́м вся́
научи́вый.

Ра́дуйся, я́ко в поте́ лица́ твоего́ Бо́га ра́ди
трудил́ся еси́;

ра́дуйся, я́ко в по́двиге до́бре ду́х тво́й
усоверши́л еси́.

Ра́дуйся, святи́телю Христо́в Иоаса́фе,
чудотво́рче предивный.

Конда́к 5

Боготе́чней зве́зде послуша́ния, а́ки
Вифле́емстей, мы́сленно послéдовав, обрёл еси́
Христа́, во хра́мине души́ твоея́ явльшася, о́тче
преподо́бне, и тому́ волю́ твою́ подклони́л еси́.
Те́мже и Госпо́дь, в боро́ении твоём тя́ укрепля́я,
в видéнии повелева́ет Афанáсию, святи́телю
Мга́рскому, на главу́ твою́ ру́це возложити и те́м
гряду́щая твоя́ возвестити, да со дерзнове́нием
вопиéши Царю́ Небе́сному: Аллилу́иа.

И́кос 5

Ви́девше тя́ лю́дие Белогра́дстии наста́вника
до́бра Божéственных учéний на престо́ле
святи́тельством явльшеся и оте́ческих предáний
хранителя́ ве́рна себе́ показу́юща, судию́ же

нелицеприятна и па́стыря неусы́пна быва́юща,
ра́довахуся зело́ и еди́ноду́шне восхваля́ху тя́,
глаго́люще:

Ра́дуйся, учи́телю и́стиннаго богопозна́ния;
ра́дуйся, гони́телю волше́бства и гада́ния.

Ра́дуйся, обличи́телю злочести́ваго неве́рия;
ра́дуйся, искорени́телю раско́ла и суеве́рия.

Ра́дуйся, вельмо́жу невозде́ржнаго свято́му
посту́ научи́вый;

ра́дуйся, уста́вы оте́ческия во оби́телех
кре́пко водвори́вый.

Ра́дуйся, правосла́вныя и́стины насади́телю;
ра́дуйся, учи́лищ благоче́стия покрови́телю.

Ра́дуйся, и́мже лати́нстии обы́чаи
изгоня́ются;

ра́дуйся, и́мже се́мена пра́вды Христо́вы
посея́ются.

Ра́дуйся, и́щущим науче́ния отве́рстая врата́;
ра́дуйся, сла́вы Бо́жия немол́чная уста́.

Ра́дуйся, святи́телю Христо́в Иоаса́фе,
чудотво́рче предивный.

Кондак 6

Проповѣдникъ сый Православія догматовъ,
заповѣди Господни не усты токмо, но и всемъ
житіемъ твоимъ изъяснилъ еси, Иоасафе. Тако бо
просветися свѣтъ твой предъ чловеки, яко,
видевше добрая дела твоя, вси прославляху
Отца Небеснаго, Емуже всякое дыханіе поетъ
хвалу: Аллилуиа.

Икос 6

Возсиявшу Солнцу Правды горѣ предъ очима
твоима, нощь греха на земли низу не страшна
бысть тебѣ, Иоасафе святителю, отъ Господа
якоже на кораблѣ кормчий поставленный и
рукою крепкою кормило его приемый. Темже
достойно славимъ тя и не умолчимъ, вопиюще:

Радуйся, пастырю, не себѣ угождаая;

радуйся, стадо Христово отъ волковъ хищныхъ
верно ограждаая.

Радуйся, жезломъ правды нечестіе
сокрушивый;

радуйся, небрегущия о святыни отъ Церкви
Божия отлучивый.

Радуйся, оградо крепкая неправедно
обидимымъ;

ра́дуйся, защи́щение твёрдое пра́вды ра́ди
ненави́димым.

Ра́дуйся, чтеца́ смире́ннаго от кня́жеских слуг
защи́тывый;

ра́дуйся, презри́тели уста́вов церко́вных
низложи́вый.

Ра́дуйся, надме́нных пра́ведный обли́чителю;
ра́дуйся, непоко́рных стро́гий смири́телю.

Ра́дуйся, мечá духо́внаго в но́жны не
вложи́вый;

ра́дуйся, вене́ц пра́вды от Го́спода
получи́вый.

Ра́дуйся, святи́телю Христо́в Иоаса́фе,
чудотво́рче предивный.

Конда́к 7

Хотя́ бы́ти па́стырь и́стинен, и́же своя́ о́вцы
глаша́ет по и́мени, многоча́стне ве́си и гра́ды
па́сты твоея́ обходи́л еси́ не ну́ждею, но по
Бо́зе, ни́же непра́ведными прибу́тки, но
усе́рдно, о́браз ста́ду пода́я во труде́х твои́х, и
ше́ствиих, и боле́знях, непреста́нно поуча́я и
облича́я и вся́ челове́ки призыва́я служи́ти Бо́гу
и пе́ти Тому́: Аллилу́иа.

И́кос 7

Но́ваго не́ба и но́вья земли́ по обетова́нию Христо́ву ча́я и си́х ра́ди вну́тренняго челове́ка на вся́к де́нь обновля́я, постомъ плоть твою́ от рабо́ты ислéния свободи́л еси́, Иоаса́фе премудре, и моли́твою криле́ дýху твоемý возрасти́л еси́, имже и на́с грéшных духо́вне воздвиза́еши, во е́же сла́вити тя́ и воспева́ти:

Ра́дуйся, во трудéх и болéзнях обретьи́ небéсныя ра́дости;

ра́дуйся, в пощéниях и бдéниях вкусивый духо́вныя сла́дости.

Ра́дуйся, во страда́ниях твои́х плоть смири́вый;

ра́дуйся, о́браз терпéния лю́дем яви́вый.

Ра́дуйся, сосúde немощный, си́лы духо́вныя храни́лище;

ра́дуйся, ста́мно скуде́льная, благода́ти вме́стителище.

Ра́дуйся, кади́ло благово́нных Бо́гу курéний;

ра́дуйся, хра́мино святы́х песнопéний.

Ра́дуйся, та́ин Бо́жиих дивный строите́лю;

ра́дуйся, ча́д Це́ркве благода́тный учи́телю.

Ра́дуйся, я́ко тебе́ А́нгели незри́мо сослужа́ху;
ра́дуйся, я́ко от тебе́ де́мони далече́
отступа́ху.

Ра́дуйся, святи́телю Христо́в Иоаса́фе,
чудотво́рче предивный.

Конда́к 8

Стра́нник в ми́ре се́м бы́в, го́рняя
му́дрствовал еси́, а не земна́я, Иоаса́фе
преподо́бне, и, поми́ная послéдняя твоя́, моли́лся
еси́ Христу́ Бо́гу, глаго́ля: в ча́с сме́рти моея́
приими́ ду́х раба́ Твоего́, во стра́нствии су́ща, да
со все́ми святи́ми воспою́ Ти́: Аллилу́иа.

И́кос 8

Все́м се́рдцем твои́м и свято́ю любо́вию твоёю
ме́ньшей бра́тии послужи́л еси́, святи́телю
Иоаса́фе, а́лчущих пита́я, до́мы си́рых и убо́гих
согрева́я, свои́ма рука́ма дрова́ вдови́цам
уготовля́я, ми́лостыни же твоя́ творя́ в та́йне. Но
Го́споду изво́лившу, яви́шася ми́рови благая́
дела́ твоя́, я́же сла́вяще, взыва́ем ти́ си́це:

Ра́дуйся, дре́во благода́тное, от его́же плодо́в
пита́ются а́лчущии;

ра́дуйся, исто́чнице утешéний, от него́же
напая́ются жа́ждушии.

Ра́дуйся, я́ко шу́йца твоя́ не ве́де, я́же
творя́ше десни́ца;

ра́дуйся, я́ко трапе́за твоя́ бы́сть утеше́ние
су́щим в темни́цах.

Ра́дуйся, пи́щею твоёю воево́ду опа́льного
пита́вый;

ра́дуйся, я́ко воспрети́ти си́е тебе́ не возмо́же
прави́тель лука́вый.

Ра́дуйся, разбо́йники, напа́дшия на тя́,
сло́вом твои́м устыди́вый;

ра́дуйся, еди́наго от ни́х к пока́янию
конече́нному обрати́вый.

Ра́дуйся, ма́терей, млеко́м пита́ющих, благо́е
защи́щение;

ра́дуйся, о отроча́тех ма́лых му́дрое
попече́ние.

Ра́дуйся, я́ко ми́лость и су́д во еди́но
совокупи́л еси́;

ра́дуйся, я́ко любо́вию твоёю наро́дную
любо́вь себе́ стяжа́л еси́.

Ра́дуйся, святи́телю Христо́в Иоаса́фе,
чудотво́рче предивный.

Кондак 9

Всякую тайну души человеческия
прозреваше духовное око твое. Темже открыся
тебе и грех иерея онаго, леты убо согбеннаго,
клятвою же Ангела Божия на земли сей
связаннаго, егоже к покаянию привед и Богу
примирив, по Литургии Божественней от
греховнаго плена и уз привременнаго жития
избавил еси, поя Всемилостивому Спасу:
Аллилуиа.

Икос 9

Витий многовещанных паче, глас народный
немолчно славит тя, Иоасафе блаженне. Темже и
ныне прими похвалы сия от всех нас, во
умилении сердец к тебе зовущих:

Радуйся, яко молитвы твоя всенощныя
благодать Божию на землю низвождаху;

радуйся, яко дние твои многотруднии благо
Церкви и людем приношаху.

Радуйся, о овцах словесных стада твоего
пастырское попечение присно являяй;

радуйся, чин церковный благолепно
исправляяй.

Ра́дуйся, бра́ни и сва́ры пре́щением твои́м
укроти́вый;

ра́дуйся, ми́рному жити́ю пресви́теры и
диа́коны научи́вый.

Ра́дуйся, я́ко в тебе́ но́вый сосу́д благода́ти
откры́ся;

ра́дуйся, я́ко тобо́ю Пеща́нский о́браз
Богома́тери яви́ся.

Ра́дуйся, та́ин серде́чных я́вное возвеще́ние;
ра́дуйся, гряду́щих дивное прозре́ние.

Ра́дуйся, заве́та ева́нгельскаго ве́рный
храните́лю;

ра́дуйся, за́поведей церко́вных нелицеме́рный
блюсти́телю.

Ра́дуйся, святи́телю Христо́в Иоаса́фе,
чудотво́рче предивный.

Конда́к 10

Спасти́ от расхище́ния о́вцы твоя́ хотя́, во́лки
лю́тыя жезло́м святи́тельским далече́ отгна́л еси́
от огра́ды церко́вныя, сло́вом же истины́, я́коже
мечём обоюдоо́стрым, нападе́ния о́ных отрази́л
еси́, Иоаса́фе, победную́ пе́снь воспева́я
Го́сподеви: Аллилу́иа.

И́кос 10

Стено́ю крѣпкою огради́л еси́ лю́ди тво́я,
блаже́нне, на осно́вании ве́ры сию́ положи́в, от
ка́мений же наде́жды и любве́ тую́ воздви́гнув и
па́мятию по́двигов твои́х на ве́ки укрепи́в. Си́х
ра́ди пе́снь слага́ем тебе́, взыва́юще:

Ра́дуйся, обы́чаев злы́х гони́телю, до́брых же
защи́тителю;

ра́дуйся, о́бласти твоея́ премудры́й
управителю.

Ра́дуйся, Росси́йския страны́ ору́жие
духо́вное;

ра́дуйся, зерца́ло све́тлое пра́вды церко́вныя.

Ра́дуйся, человекоуго́дия ра́ди никогóже
пощади́вый;

ра́дуйся, мздоприи́мство я́ве обличи́вый.

Ра́дуйся, стра́ха ра́ди челове́ча двѣри пра́вды
нико́лиже затвори́вый;

ра́дуйся, еди́ному стра́ху Бо́жию се́рдце твоѐ
покори́вый.

Ра́дуйся, пла́менем гне́ва Госпо́дня враги́
ве́ры опаля́я;

ра́дуйся, я́рость гне́ва непра́веднаго
кро́тостию утиша́яй.

Ра́дуйся, воево́до Христо́в неустраши́мый;
ра́дуйся, па́стырю, вся́ любя́й и от все́х
люби́мый.

Ра́дуйся, святи́телю Христо́в Иоаса́фе,
чудотво́рче предивный.

Конда́к 11

Пе́ние хвале́бное прино́сим ти́ от смире́нных
серде́ц на́ших, Иоаса́фе блаже́нне. Си́е у́бо
любо́вию тво́ею при́яти не отврати́ся, а́ще и
сладча́йшия гла́сы А́нгелов ны́не слы́шиши, на
небеси́ Бо́гу пою́щих: Аллилу́иа.

И́кос 11

Светоза́рному небеси́ угото́вав ду́х тво́й и
ско́рый коне́ц жития́ земна́го проразуме́в, к
погребéнию же телесе́ твоего́ хра́мину угото́вити
повеле́в, посети́л еси́ оте́ческий гра́д и роди́тели
твоя́, по за́поведи Бо́жией те́м че́сть воздава́я и
любо́вию сыно́вней души́ их в ве́ре и упова́нии
усоверша́я, ими́же и на́с просвети́, Иоаса́фе
блаже́нне, зову́щих:

Ра́дуйся, ста́рость роди́телей посеще́нием
твои́м озари́вый;

ра́дуйся, се́ла оте́ческая пред кончи́ною
твоёю́ благосло́вѣй.

Ра́дуйся, я́ко недужи́ дух тво́й я́коже злато
очища́ху;

ра́дуйся, я́ко добродѣтели тво́я я́коже
ка́мение драго́е сия́ху.

Ра́дуйся, кораблю́, напа́стьми бу́рь житѣйских
неодоле́нный;

ра́дуйся, сла́вно сверши́вший пу́ть, от Христа́
повеле́нный.

Ра́дуйся, я́ко тебе́ приста́нь благоутѣшная
пресвѣтлое Не́бо яви́ся;

ра́дуйся, я́ко тебе́ двѣрь Ца́рствѣя Христо́ва
откры́ся.

Ра́дуйся, я́ко всели́лся еси́ ду́хом твои́м в
го́рняя селе́ния;

ра́дуйся, я́ко и на земли́ оста́вил еси́ нетле́нен
залогъ воскресе́ния.

Ра́дуйся, звездо́, на твёрди́ духо́вней
сия́ющая;

ра́дуйся, моли́тво о нас к Бо́гу
неумолка́ющая.

Ра́дуйся, святи́телю Христо́в Иоаса́фе,
чудоотво́рче предивный.

Конда́к 12

Благода́ти неисто́щимья зна́мение
непререка́емое яви́ нам Христо́с в нетле́нии
моще́й твои́х, Иоаса́фе премудре, пред ни́миже
лю́дие ве́рнии моля́щися, от ви́димых к
невидимым духо́вне восходи́ти науча́ются, Бо́га
же, дивна́го во святы́х Свои́х, сла́вити и
а́нгельски Ему́ воспева́ти: Аллилу́иа.

И́кос 12

Пою́ще пра́ведное жити́е твоё, Иоаса́фе
блаже́нне, сла́вяще труды́ тво́я и восхожде́ния от
сла́вы в сла́ву, зри́м и испове́дуем, я́ко кончи́на
тво́я рождéние бы́сть в жи́знь приснотеку́щую,
ея́же стру́ями благода́тными и нас, земных,
окропля́еши и от болезней душе́вных и телесных,
Го́споду изволя́ющу, свобожда́еши, недугующим
и прискорбным многоча́стне в видéнии явля́ясь
и утешéние принося́, наипа́че же моля́щимся
пред гробни́цею твоёю невидимо внемлеши и
ви́димо по́мощь пода́еши. Те́мже,
благодарственнó воспева́юще тя, глаго́лем:

Ра́дуйся, радости́ приобщивыйся, в печа́ли же
су́щих не забывый;

ра́дуйся, у́хо твоё ко юдо́ли скорбе́й
прекло́ни́вый.

Ра́дуйся, я́коже Или́а Фесви́тянин, огнём
ре́вности по Бо́зе горя́й;

ра́дуйся, стопа́ми Чудотво́рца Ми́р
Ли́кийских в хи́жины бе́дных входя́й.

Ра́дуйся, отча́янным неча́янное вспоможе́ние;
ра́дуйся, разсла́бленным благода́тное
укрепле́ние.

Ра́дуйся, я́ко твои́ми моли́твами хро́мии
хожда́ху;

ра́дуйся, я́ко тобо́ю слепи́и зрѣние получа́ху.

Ра́дуйся, от многообра́зных неду́гов исцеля́й;
ра́дуйся, во́ины правосла́вныя на бра́ни
охраня́й.

Ра́дуйся, земли́ росси́йския защи́тнице
ве́рный;

ра́дуйся, Правосла́вия побо́рнице
нелицеме́рный.

Ра́дуйся, святи́телю Христо́в Иоаса́фе,
чудотво́рче предивный.

Кондак 13

О пресла́вный па́стырю Белогра́дский, святы́телю Иоаса́фе! Приими́ ма́лое си́е хвалéние на́ше и моли́ Христа́ Бо́га, да изба́вит зéмлю Росси́йскую и вся́ страны́ христиа́нския от смертоно́снаго неве́рия язвы, от вся́кия вражды́ и нестроéния, от враг ви́димых и неви́димых. Це́рковь же святу́ю да возрасти́т и укрепи́т, и вся́ ве́рныя ко Христу́ всеми́рному Па́стырю приведе́т, пою́щия Ему́: Аллилу́иа.

Этот конда́к чита́ется три́жды, затéм 1-й и́кос «А́нгел Бо́жий...» и 1-й конда́к «Изра́нных вои́нов...».

Моли́тва 1

О святы́телю Хри́стов Иоаса́фе, чудотво́рче Белогра́дский! Ве́руем грéшнии и недосто́йнии, я́ко о́чи Господни на пра́ведных и у́ши Его́ на моли́тву их, и того́ ра́ди к моли́твам твои́м прибега́ем и ходата́йства твоего́ за нас про́сим, по глаго́лу апо́стольскому упова́юще, я́ко любви́ твоея́ николи́же отпа́дает. Во гресéх и болéзнях на́ших льну́ куря́щемуся и трóсти сокруше́нной уподо́бихомся, и, а́ще живéм, ми́лостию Бо́га живéм и за моли́твы пра́ведник Его́. Приклони́ у́бо и ты́, о́тче пра́ведне, се́рдце твоё к молéнию

нашему, и предстательством твоим даждь роду христианскому от Господа мир и благословение. Православие укрепи, нападения же лукавствующих и беззаконных на церковь Божию отжени. Умоли Отца небеснаго избавитися нам от нашествия вражескаго, от междоусобий же и смятений народных, от губительных поветрий и смертоносных язвы, от глада, огня, потопа и иных бед и обстояний. Испроси у Христа Бога душам нашим крепость и телесем нашим потребное здравие, болезнем же исцеление: хромым хождение, слепым прозрение, ослабленным утверждение, печальным утешение и от всех скорбей избавление. Отпадшыя же лозы Христовы ветви паки с тою соедини, еяже и сам причастник быти сподобился еси, да тако прославится тобою пречестное и великолепое имя Бога нашего, Отца и Сына и Святаго Духа, ныне и присно и во веки веков. Аминь.

Молитва 2

О великий угодниче Божий и преславный чудотворче, святителю Иоасафе! От дальних и ближних градів и весей сошедшеся, во еже на месте подвигов твоих помолитися и многоцелебныя мощи твоя облобызати, из

глубины́ се́рдца взыва́ем к тебе́: жезло́м
бла́гости, я́коже па́стырь до́брый, упаси́
заблудшы́я о́вцы ста́да Христо́ва, во двори́
Госпо́дни сия́ всели́, огради́ нас от собла́зна,
ересе́й и раско́лов, научи́ во стра́нствии су́щих
го́рняя му́дрствовати: разсе́янный у́м наш
просвети́ и на пу́ть истины́ напра́ви, охладёвше́е
се́рдце согре́й любо́вию ко бли́жнему и
ре́вностию к исполне́нию велений́ Бо́жиих,
грехо́м и нераде́нием осла́бленную волю́ нашу́
оживотвори́ благода́тию Ду́ха всесвята́го: да
твоему́ па́стырскому́ гла́су последую́ще,
сохрани́м в чистоте́ и пра́вде души́ наша́, и
та́ко, Бо́гу помога́юще, небе́снаго ца́рствия
достигне́м, иде́же купно́ с тобо́ю воспросла́вим
пречестно́е и великоле́пое и́мя Отца́ и Сы́на и
Ду́ха Свята́го во ве́ки веко́в. Ами́нь.

Моли́тва 3

О вели́кий Святите́лю наш и чудотво́рче
предивный Иоаса́фе, ско́рый помо́щниче к тебе́
припада́ющих! Ми́лостивно при́зри на нас
недостойных, со слеза́ми умиле́ния зде́
моля́щихся и благодаре́ние тебе́ по си́ле
принося́щих. Благодарим́ тя, уго́дниче Христо́в,
я́ко услы́шал еси́ моле́ния нас недостойных и
проси́мая нам обильно́ дарова́л еси́. Ве́мы и усты́

испове́дуем, я́ко вои́стину Христу́ тёплый о нас еси́ моли́твенник и, по да́нной ти́ благода́ти и да́ру, во спасе́ние все́м нам потре́бная да́руеши: боля́щия исцеля́еши, стра́ждущия утеша́еши, ми́р и отра́ду ско́рбным се́рдцам изли́ваеши, пла́чущия ра́доватися твори́ти, печа́льныя ликовати́ содева́еши: роди́телем ча́да вздра́вляеши, супру́гом подру́жия от одра́ сме́ртнаго возста́вляеши, вражду́ющия уми́ротворя́еши, зави́стливыя твори́ши ми́лостивы, и вся́кия непра́вды кара́еши, я́коже и в жити́и твоём пра́вды и ми́лосе́рдия му́жественный ревни́тель бы́л еси́. Благодарим́ тя, Святите́лю, за вели́кая тво́я и нам явле́нная благодея́ния, и смире́нно мо́лимся тебе́ мы́ недостой́нии: предста́тельствуй за нас у́ престо́ла Христо́ва, и помози́ нам па́мять при́сную твои́х благодея́ний и щедро́т на нас изли́янных хранити́, да во смире́нии се́рдца проче́е соверши́м жити́е, и небе́сное да насле́дуем се́ление Боже́ственное, моли́твами твои́ми, во ве́ки веко́в. Ами́нь.

Моли́тва 4

О вели́кий уго́днице Христо́в, святите́лю о́тче наш Иоаса́фе, ско́рый помо́щнице и дивный́ чудотво́рче! При́зри ми́лостивно на ны́

недугующыя. Вѣмы, угодниче Христов, вѣмы, и усты и сердцем исповѣдуем, яко по делом нашим беды постигоша нас. С разбойником благоразумным исповѣдуем Господеви, яко достойная по делом нашим восприемлем и злая сия якоже раби неключими терпим. Сими бо временными мученьми Господь милосердый сокрушает гордыню и жестоковыйное сердце наше, да вечныя избежим казни, грешником уготованная: сеяхом бо семена жития своевольнаго, и жнем терния скорбей. Обаче, немощнии суще, но в покаяние теплое пришедше, о сем молитися дерзаем, да гнев Господень на милость к нам преложится, и тебе, святителю Божий и чудотворче, усердно просим: пролий теплую молитву твою ко Христу Господу нашему, емуже днесь предстоиши и молишия о почитающих тя с любовью и смиренным на твое предстательство упованием. Се бо в житии твоём, Святителю Христов, ни единого же скорбяща и милости твоея просяща, грехи же своя исповѣдающа, николиже презрел еси. Умоли праведнаго судию, да преложит гнев правды своея на милование наше. Благодатию его тебе данною, святителю милосердый, врачуй наша немощи, болезней лютых течения

уста́ви, сме́рти оти́ти повели́, и на покая́ние си́лу на́м да́руй. Ста́рость поддержи́, младе́нцы воспита́й, ю́ность уцелому́дри, супру́жества в чистоте́ и смире́нии утверди́, на́м же все́м послуша́ние трудолю́бное и ми́рное жи́тельство моли́твою твоёю да́руй, да терпе́нием течём на предлежа́щий на́м по́двиг жити́я сего́ вре́меннаго, взира́юще на нача́льника ве́ры и соверши́теля Го́спода Иису́са. Ему́же сла́ва во ве́ки веко́в. Ами́нь.

Моли́тва 5

Вели́кий и пра́зднственны́й де́нь се́й, де́нь твоего́ на землі прославлéния, святи́телю о́тче на́ш Иоаса́фе, землі на́шея сла́во и ра́дование вели́кое, прими́ сия́ смире́нная и те́плая моле́ния на́ша. Дне́сь зри́м испо́лнившийся глаго́л Госпо́день: прославля́ющыя Мя́ просла́влю. Се́ бо во дни́ земна́го жити́я твоего́ ничто́же иска́л еси́, то́чию же во́лю Бо́жию исполня́ти и ча́да па́ствы твоея́ управити во спасéние, и того́ ради мно́гия труды́, ско́рби, боле́зни, путеше́ствия подъя́л еси́. По сконча́нии же твоём просла́ви тя́ милосе́рдый Госпо́дь, телеси́ твоему́ нетле́ние и си́лы целе́бныя дарова́вый; те́мже то́ки исцелéний моля́щимся источи́л еси́ и призыва́ющим тя́ недугующим и

скорбящим многажды являлся еси, и утешение и цельбу скорую тем подавая. Сего ради, якоже избранника Божественных благодати ты вѣдущи, Церковь Христова прославите ты якоже новаго чудотворца земли нашей сподобися. Благослови убо и помилуй, архиерею истиннаго Бога, люди православныя. Даруй им утешение сердца, отраду и мир и радость присную о Господе. Сохрани в мире державу Российскую и люди ея во истине утверди, воином мужество непоколебимое даруй и вся люди безпечальны сохрани. Изжени всякую крамолу и крамольных человек лукавая разруши советования, паче же тех самых в покаяние приведи. Пастырем и архиереем подаждь премудрость, чистоту и праведное житие, якоже и сам сими украшался еси. Младенцем воспитание благое даждь, юныя научи, болящим и скорбящим здравие испроси. Сущим во трудех терпение и упование послѣ, богатым смиренномудрие и ко ближним милосердие даруй. Нам же всем радость о Господе присную подаждь, да вси благодарне ты ублажаем, глаголюще тако: величаем ты, святителю отче Иоасафе, и чтим святую память твою, ты бо молиши за нас Христа Бога нашего.